



Republika e Kosovës
Republika Kosova – Republic of Kosovo



Komuna e Prishtinës
Opština Priština – Municipality of Prishtina

LISTË DISTRIBUIMI / CIRKULARNO PISMO / ROUTING SLIP

DATE/A	05.06.2025
REFERENCE:	03-202-2025
PËR/ ZA/ TO:	Institucionet parashkollore publike në Komunën e Prishtinës
KOPJE/CC:	Drejtorja e Arsimit
PËRMES/PREKO/THROUGH:	Qendra për Shërbim me Qytetarë
NGA/ OD/ FROM:	Z. Samir Shahini – Drejtor i Arsimit
TEMA/ SUBJEKAT/SUBJECT:	Dokumentacioni për regjistrimin e fëmijëve në Institucionet parashkollore publike



I nderuar Drejtor,

Bashkëngjitur në këtë listë distribumi, ju dorëzojmë dokumentacionin për konkursin e regjistrimit të fëmijëve për vitin edukativ 2025/2026, si vijon:

1. Vendimin nr. 03-199-2025 të dt. 05.06.2025 për kriteret e pranimit të fëmijëve në institucionet parashkollore publike;
2. Njoftimin nr. 03-200-2025 të dt. 05.06.2025 për lirimin nga pagesa për fëmijët në institucionet parashkollore publike;
3. Vendimin nr. 03-197-2025 të dt. 05.05.2025 për pushimin vjetor kolektiv të institucioneve parashkollore publike;
4. Konkursin nr. 03-198-2025 të dt. 05.06.2025 për regjistrimin e fëmijëve në institucionet parashkollore publike të Komunës së Prishtinës për vitin edukativ 2025/2026.

Të zbatohen aktet ligjore dhe nënligjore në fuqi, të cilat rregullojnë fushën e edukimit parashkollor për regjistrimin e fëmijëve në institucionet parashkollore publike.

Institucioni parashkollor "Dielli"; Institucioni parashkollor "Yllkat"; Institucioni parashkollor "Fatosat";
Institucioni parashkollor "Xixëllonjat"; Institucioni parashkollor "Buzëqeshja"; Institucioni parashkollor
"Ardhmëria"; Institucioni parashkollor "Lulevera"; Institucioni parashkollor "Gëzimi Ynë"



Republika e Kosovës
Republika Kosova – Republic of Kosovo

Komuna e Prishtinës
Opština Priština –Municipality of Prishtina



Drejtoria Komunale e Arsimit

Prishtinë

Nr. 03-198 , datë 05.06.2025

Bazuar në nenin 62 paragrafi 3 të Ligjit nr. 03/L - 040 për vetëqeverisjen lokale ("Gazeta zyrtare e Republikës së Kosovës", nr. 28/2008), të nenit 5, shkronja b) të Ligjit nr. 03/L068 për Arsimin në Komunat e Republikës së Kosovës, të Ligjit nr. 021 – 52 mbi Edukimin Parashkollor, në nenin 4 paragrafi 8 të Udhëzimit Administrativ (MASHTI) nr. 03/ 2022 për përfshirjen e fëmijëve në institucionet parashkollore në Kosovë, Drejtoria e Arsimit shpallë këtë:

KONKURS

PËR REGJISTRIMIN E FËMIJËVE NË INSTITUCIONET PARASHKOLLORE PUBLIKE TË
KOMUNËS SË PRISHTINËS PËR VITIN 2025/2026

Vendet e lira në Institucionet parashkollore 2025-2026

Grup- mosha	IP. Dielli	IP. Yllkat	IP. Fatosat	IP. Xixëllonjat	IP. Buzëqeshja	IP. Ardhmëria	IP. Lulevera	IP. Gëzimi Ynë	Gjithsej
1- > 2 vjeç	22	25	32	30	20	10	20	39	198
2- > 3 vjeç	0	0	5	0	0	8	0	15	28
3- > 4 vjeç	6	0	0	0	0	22	0	26	54
4- >5 vjeç	0	0	6	0	0	0	0	11	17
5- >6 vjeç	0	0	0	0	0	0	4	16	20
3-6 vjeç	0	0	0	0	0	0	0	11	11
Gjithsej	28	25	43	30	20	40	24	118	328

I. Aplikacionit i bashkëngjiten dokumentet, si vijon:

- Formulari i aplikimit (merret në institucionin përkatës parashkollor);
- Dokumenti personal i prindit (letërnjoftim ose pasaportë);
- Ekstraktin e lindjes së fëmijës;
- Vërtetim vendbanimi nga Bashkësia Lokale;
- Faturën e shërbimeve komunale, jo më të vjetër se gjashtë (6) muaj;
- Prindërit që janë duke banuar me qira në zonën përkatëse të çdo Institucioni Parashkollor të dorëzojnë dëshminë e kontratës së noterizuar (Jo më e re se gjashtë muaj) dhe dëshminë nga ATK që paguajnë tatimin mbi qiranë;
- Dëshmia nga mjeku për gjendjen e përgjithshme shëndetësore të fëmijës;
- Dëshmia për vaksinimin e fëmijës (vërtetimin për vaksionim nga QKMF dhe fletorën e shëndetit të fëmijës);
- Vërtetimi për marrëdhënien e punës për të dy prindërit (nëse prindërit janë në marrëdhënie pune);
- Pasqyra e Trustit për gjashtë (6) mujorin e fundit;
- Dëshminë që ka fëmijë të tjerë të regjistruar në institucionin parashkollor përkatës;
- Dokumente të tjera origjinale ose të noterizuara për të dëshmuar kategorinë përkatëse të specifikuar në Vendimin e Drejtorisë së Arsimit nr. 03-199-2025 të dt. 05.06.2025

II. Kushtet dhe kriteret e regjistrimit të fëmijëve në institucionet parashkollore

- Regjistrimi i fëmijëve në IP do të bëhet në bazë të kritereve të përcaktuara me akte juridike që e rregullojnë fushë e arsimit parashkollor (Ligjit nr. 02L-52 mbi Edukimin Parashkollor), në përputhje me Udhëzimin Administrativ nr. 03/ 2022 për pranimin e fëmijëve në institucionet parashkollore në Kosovë dhe në Vendimin e kritereve të pranimit të fëmijëve në institucionet parashkollore publike të Drejtorisë së Arsimit nr. . 03-199-2025 të dt. 05.06.2025

Afati dhe mënyra e aplikimit

- Konkursi mbetet i hapur nga data e publikimit më 09.06.2025 deri më datën 20.06.2025;
- Aplikimi dhe dorëzimi i dokumenteve bëhet në institucionin parashkollor përkatës çdo ditë punë prej orës 09:00 deri në ora 15:00;
- Palët e pakënaqura me rezultatet e regjistrimit mund të ushtrojnë ankesë në institucionin parashkollor përkatës në afat prej tetë (8) ditëve pas datës së publikimit të rezultateve;
- Palët e pakënaqura me përgjigjen e IP-së, mund të ushtrojnë ankesë në DKA, si shkallë e dytë, në afat prej pesëmbëdhjetë (15) ditëve; DKA nuk shqyrton asnjë ankesë, nëse e njëjta nuk është shqyrtuar me shkrim nga IP përkatëse.

- Të gjitha dokumentacionet e pakompletuara dhe jashtë afatit zyrtar të përcaktuar në këtë konkurs nuk do të shqyrtohen.



Republika e Kosovës
Republika Kosova – Republic of Kosovo



Komuna e Prishtinës
Opština Priština –Municipality of Prishtina

DREJTORIA E ARSIMIT

Nr. 03-199-2025;

Data: 05.06.2025

Bazuar në nenin 62 paragrafi 3 të Ligjit nr. 03/L – 040 për vetëqeverisjen lokale (“Gazeta zyrtare e Republikës së Kosovës”, nr. 28/2008), nenin 57 shkronja e. të Statutit të Komunës së Prishtinës, 01. nr. 110-391, dt. 25.2.2010, si dhe bazuar në ligjet që rregullojnë fushën e arsimit para universitar (Ligji nr. 02/L-52, Ligji nr.03/L-068, Ligji nr.04/L-32 dhe Ligji nr.04/L-138),), në nenin 4 paragrafi 8 të Udhëzimit Administrativ (MASHTI) nr. 03/2022 për përfshirjen e fëmijëve në institucionet parashkollore në Kosovë, Drejtoria e Arsimit merr këtë:

V E N D I M
PËR KRITERET E PRANIMIT TË FËMIJËVE NË INSTITUCIONET
PARASHKOLLORE PUBLIKE

- I. Vetëm fëmijët e prindërve që janë banorë të komunës së Prishtinës mund të regjistrohen në institucionet parashkollore publike (IP) të Komunës së Prishtinës;
- II. Planifikimin për numrin e fëmijëve që do të pranohen në IP e bëjnë vetë IP-të, në përputhje me legjislacionin në fuqi dhe në përputhje me kapacitetet profesionale dhe infrastrukturore të IP-ve;
- III. Në institucionet parashkollore publike mund të regjistrohen fëmijët prej moshës 9 muaj deri në 6 vjeç;
- IV. Llogaritja e moshës së fëmijëve nuk bëhet duke marrë parasysh datën e regjistrimit, por datën e fillimit të shërbimit, përkatësisht duke marrë parasysh datën 31 Gusht;
- V. Nëse Komisioni i pranimi të fëmijëve gjatë procesit të regjistrimit konstaton se ka dy e më shumë fëmijë me pikë të barabarta, atëherë duhet praktikuar shortin, i cili

bëhet në prani të prindërve të fëmijëve dhe KDSH-së përkatëse. E njëjta procedurë kur fëmijët kanë pikë të barabarta vlen edhe për fëmijët që mbesin në listën pritëse (të papranuar), që sistemohen përgjatë vitit edukativ;

VI. Pranimi i fëmijëve në IP bëhet në bazë të numrit më të madh të pikëve totale që merr një kandidat bazuar në kriteret e specifikuara në tabelën e mëposhtme:

Nr.	Kategoria	
1	Fëmijët bonjakë pa të dy prindërit	100
2	Fëmijët bonjakë pa njërin prind nëse prindi kujdestar është i punësuar	90
3	Fëmijët bonjakë pa njërin prind nëse prindi kujdestar është i papunësuar	80
4	Fëmijët me nevoja të veçanta nëse të dy prindërit punojnë	80
5	Fëmijët me nevoja të veçanta nëse njëri prind punon	60
6	Fëmijët me nevoja të veçanta nëse asnjëri prind nuk punon	40
7	Fëmijët e prindërve të divorcuar nëse prindi kujdestar është i punësuar	60
8	Fëmijët e prindërve të divorcuar nëse prindi kujdestar është i papunësuar	30
9	Prindërit e fëmijëve në asistencë sociale	50
10	Fëmijët e invalidëve të luftës së UÇK-së nëse të dy prindërit punojnë	40
11	Fëmijët e invalidëve të luftës së UÇK-së nëse njëri prind punon	30
12	Fëmijët e invalidëve të luftës së UÇK-së nëse asnjëri prind nuk punon	20
13	Fëmijët e veteranëve të luftës së UÇK-së nëse të dy prindërit punojnë	20
14	Fëmijët e veteranëve të luftës së UÇK-së nëse njëri prind punon	15
15	Fëmijët e veteranëve të luftës së UÇK-së nëse asnjëri prind nuk punon	10
16	Fëmijët që punojnë të dy prindërit (me të ardhura mujore të prindërve deri në 400 euro)	45
17	Fëmijët që punojnë të dy prindërit (me të ardhura mujore të prindërve 401-700 euro)	35
18	Fëmijët që punojnë të dy prindërit (me të ardhura mujore të prindërve 701-1000 euro)	25
19	Fëmijët që punojnë të dy prindërit (me të ardhura mujore të prindërve mbi 1000 euro)	15
20	Fëmijët e prindërve që janë banues në lagjen — Bashkësinë Lokale ku gjendet IP-ja	20
21	Fëmijët e punëtorëve të IP-ve	10
22	Fëmijët e prindërve që tashmë e kanë një fëmijë vijues në IP-në përkatëse	10
23	Fëmijët që njëri prind ju punon (me të ardhura mujore të prindit deri në 300 euro)	20

24.	Fëmijët që njëri prind ju punon (me të ardhura mujore të prindit 300 - 700 euro)	15
25.	Fëmijët që njëri prind ju punon (me të ardhura mujore të prindit 701 - 1000 euro)	10
26.	Fëmijët që njëri prind ju punon (me të ardhura mujore të prindit mbi 1000 euro)	5

VII. Të gjitha statutet e të gjitha kategorive të përfshira në tabelën e mësipërme duhet të dëshmohen me dokumente valide të lëshuara nga institucionet relevante;

VIII. Me hyrjen në fuqi të këtij vendimi shfuqizohet vendimi 03 nr.138-24, dt.31.05.2024, për kriteret e pranimit të fëmijëve në institucionet parashkollore publike;

IX. Vendimi hyn në fuqi në ditën e nënshkrimit të tij.

U dorëzohet:

- Institucioneve parashkollore publike (IP);
- Drejtorisë së Arsimit.





Nr. 03-200

Dt. 05.06.2025.

DREJTORIA E ARSIMIT

Në bazë dispozitave të nenit 24.2 dhe 24.5 të Ligjit Nr. 02/L-52 Mbi edukimin parashkollor, nenin 3 të UA Nr. 41/2007, dt. 9.10. 2007 Zbritja e tarifave që duhet të paguhen nga prindërit për më shumë se një fëmijë në institucionet parashkollore, nenit 4, paragrafi 5 të UA Nr. 03/2022 Për përfshirjen e fëmijëve në Institucione parashkollore në Kosovë, nenin 2, paragrafi 2.3 të Rregullores 01 nr. 110-157460, dt. 01.07.2014 Për të hyrat vetanake të Institucioneve Arsimore, të Kuvendit të Komunës së Prishtinës, drejtori i Drejtorisë për Arsim publikon këtë:

NJOFTIM

I. Për lirim nga pagesa për fëmijët në Institucione Parashkollore për vitin edukativ 2025/2026.

Të drejtë lirimi nga pagesa kanë vetëm:

- a) Fëmijët e invalidëve të luftës lirohen nga pagesa 100%
- b) Fëmijët bonjakë (pa të dy prindërit) 100%;
- c) Fëmijët me nevoja të veçanta 100%
- d) Fëmijët në asistencë sociale 100%
- ç) Fëmijët me njërin prind lirohen 100%;
- d) Fëmijët e veteranëve të luftës 100%;
- e) Prindërit që kanë më shumë se një fëmijë në IP të regjistruar, për një fëmijë do ta paguaj tarifën e plotë, për fëmijën e dytë lirohet 30%, për fëmijën e tretë lirohet 50% nga tarifa aktuale (kjo kategori mund të aplikoj vetëm në një Institucion Parashkollor).

II. Të gjithë parashtuesit e kërkesave duhet ti paraqesin këto dokumente:

- Kërkesën për lirim nga pagesa për vitin 2025/2026
- Certifikatën e lindjes së fëmijëve
- Kopjen kontratës me IP

Invalidët e luftës duhet t'i paraqesin edhe:

- Vendimin origjinal (ose kopjen e vërtetuar të noteri) të Ministrisë së Punës dhe Mirëqenies Sociale të pensionit për invalid të luftës;

Prindërit e fëmijëve me nevoja të veçanta edhe:

- Vërtetimin zyrtar për fëmijën me nevoja të veçanta (vërtetimi nga HANDIKOS apo nga Ministria e punës dhe Mirëqenies Sociale).

Prindërit e fëmijëve në asistencë sociale edhe:

- Vërtetimin zyrtar që dëshmon periudhën aktuale që janë në asistencë sociale nga Ministria për Punë dhe Mirëqenie Sociale.

Kujdestaret fëmijëve bonjakë (pa të dy prindërit) edhe:

- Certifikatën e vdekjes se prindërve (origjinale)

Prindi i vetëm pa bashkëshorte/bashkëshort edhe:

- Certifikatën e vdekjes së bashkëshortit/ës (origjinale)

Prindi vetë ushqyes edhe:

- Dëshmi na Gjykata ose konstatimi (dokument zyrtar) nga Qendra për Punë Sociale se njëri nga prindërit është duke u kujdesur për fëmijët.

Prindërit që kanë me shumë se një fëmijë të regjistruar ne çerdhet publike edhe:

- Certifikatën e lindjes të secilit fëmijë (origjinale) dhe fletëregjistrimin e tyre në institucionet përkatëse.

VËMENDJE: Për të gjitha rastet e liruara nga pagesa prindërit/kujdestarët ligjor, duhet të dëshmojnë me dokument zyrtar nga Ministria e Punës dhe Mirëqenies Sociale kërkesën e lirimit, në të kundërtën e njëjta do të refuzohet.

III. Lirimi nga pagesa, bëhet nga shtatori i vitit 2025 deri 31 gusht 2026.

Kërkesat dorëzohen në administratën e IP-së përkatëse.

Afati për paraqitjen e kërkesës është nga datë 09.06.2025 deri me datë 20.06.2026

U dorëzohet :

- Institucioneve parashkollore publike (IP);
- Drejtorisë së Arsimit





Republika e Kosovës
Republika Kosova – Republic of Kosovo



Komuna e Prishtinës
Opština Priština – Municipality of Prishtina

DREJTORIA E ARSIMIT

Nr. 03-197/25;

Dl. 05.06.2025

Bazuar në dispozitat e nenit 62 paragrafi 3 të Ligjit nr. 03/ L - 040 për vetëqeverisjen lokale ("Gazeta zyrtare e Republikës së Kosovës", nr. 28/2008), në nenin 33.1 të Ligjit të Punës nr.03/L-212, nenin 57 shkronja e. të Statutit të Komunës së Prishtinës, 01. nr. 110-391, dl.

25.2.2010, Drejtoria e Arsimit merr këtë:

VENDIM

- I. Pushimi vjetor kolektiv për vitin 2025 për të gjitha institucionet parashkollore publike të Komunës së Prishtinës do të shfrytëzohet nga data 21 Korrik 2025 deri më 08 Gusht 2025;
- II. Të punësuarit në Institucionet parashkollore publike obligohen të fillojnë punën rnë datën 11 Gusht 2025;
- III. Shfrytëzimi i pushimit vjetor kolektiv bëhet me qëllim të renovimeve të objekteve parashkollore dhe realizimin e dezinfektimit, deratizimit dhe dezinfektimit të IP-ve;
- IV. Të punësuarit në Kuzhinën Qendrore rekomandohen t'i përmbahen afatit të shfrytëzimit të pushimit vjetor të përmendur në pikën I të këtij vendimi;
- V. Nëse të punësuarve të IP-së u mbetet pushim vjetor i pashfrytëzuar, atëherë pushimi vjetor i tyre shfrytëzohet në koordinim me drejtorin e institucionit përkatës. Ndërsa, Drejtori i IP-së shfrytëzon pushimin vjetor pas aprovimit nga DKA.
- VI. Vendimi hyn në fuqi në ditën e nënshkrimit të tij.

U dorëzohet:

- Institucioneve parashkollore publike (IP);
- Kuzhinës Qendrore;
- Drejtorisë së Arsimit.

